



HO'OU LU LĀHUI
Regenerating Oceania
13th Festival of Pacific Arts & Culture
Hawai'i 2024

MO'OLELO HĀLĀWAI O KE KOMIKINA NO KA HO'OLAULE'A NO'EAU A
MO'OMEHEU PĀKĪPIKA (FestPAC)

PŌ'AKAHI, LĀ 3 MEI, 2021 HOLA 2:30'au

MA O KA ZOOM: 'AHA KŪKĀ MA KA WIKIŌ

Nā Lālā Komikina i kū mai:

Kalani Ka'anā'anā, Chair	-	Ke'ena Kuleana Ho'okipa o Hawai'i (HTA)
Māpuana de Silva	-	Kaiāulu
Jarrett Keohokālole	-	'Aha Kenekoa o Hawai'i
Jamie Lum	-	Ke'ena Ho'omohala Waiwai a me ka Ho'okipa (DBEDT)
Makanani Salā	-	Ke Kūlanakauhale a Kalana o Honolulu
Hinaleimoana Wong-Kalu	-	Ke'ena Kuleana Hawai'i (OHA)

Nā Hoa Kipa:

Kiele Amundxon	-	Ke'ena No'eau a Mo'omeheu a ka Meia (MOCA)
Jackie Lynne Burke	-	Kaiāulu
Mamiko Carroll	-	Kaiāulu
Ian Custion	-	Kaiāulu
Maka Casson-Fisher	-	Ke'ena Kuleana Ho'okipa o Hawai'i
Karen Ewald	-	Ka Hale Hō'ike'ike Hana No'eau o Hawai'i Moku'āina
Ilihia Gionson	-	'Ahahui Ho'okipa 'Ōiwi Hawai'i
Dede Howa	-	Ke'ena Kuleana Ho'okipa o Hawai'i (HTA)
Jonathan Johnson	-	Ke Kahua Moku'āina o ka Mo'omeheu a Pāheona (SFCA)
Lynn Martin Graton	-	Kaiāulu
Monte McComber	-	Kaiāulu
Aaron Salā	-	Ke Kulanui o Hawai'i/Royal Hawaiian Center
Malia Sanders	-	'Ahahui Ho'okipa 'Ōiwi Hawai'i

Nā Limahana:

Margaret Ahn	-	Loio Kuhina
Marlene Hiraoka	-	DBEDT
Timothy Tiu	-	DBEDT
Scott Tome	-	DBEDT

Nā Mihi:

Snowbird Bento	-	Kaiāulu
----------------	---	---------

Richard Onishi

- 'Aha Lunamaka'āinana o Hawai'i

HO'OMAKA

Ho'omaka ka Luna Ho'omalū 'o Kalani Ka'anā'anā ma ka hola 2:36'aiu ma o ke aloha 'ana aku i ka po'e ma ka ZOOM a Facebook Live.

Noi ka Luna Ho'omalū Ka'anā'anā iā Ms. de Silva e mālama i ka wehena a ka'ana aku 'o ia i kekahi mana'o mai loko mai o ka puke 'o Nānā I Ke Kumu. 'Oiai 'o ia i heluhelu ai ma ka 'ōlelo Hawai'i unuhi 'o ia i ka mana'o nui, 'o ia ho'i ka laulima 'ana ma ka 'ao'ao no'ono'o a pili 'uhane kekahi. Ho'omau 'o ia me ka wehewehe 'ana aku i ka mana'o 'o kūkulu kumuhana a me kona 'ano ho'okahua no nā mana'o kōkua. Me ia mana'o he wahi ho'omaopopo wale nō ia mau mana'o ona i hiki i ke Komikina ke no'ono'o hou ma ke kūkulu 'ana i ko lākou hale no ka ho'olaule'a. A laila 'o ia i oli i mele e noi ana i ka 'ike a me ka ho'ōla.

'ŌLELO HO'IKE A KA LEHULEHU

Wehe ka Luna Ho'omalū Ka'anā'anā i ka papahana i ka lehulehu e ho'ouka mana'o no ka papahana o ka hālāwai. 'Oiai 'a'ohē mea i ho'opuka 'ia, ua ho'oholomua aku nō 'o ia i ka papahana.

'ĀPONO I KA MO'O'ŌLELO HĀLĀWAI, 19 'APELILA, 2021

Ka'aka'ahi 'ia ka mo'olelo hālāwai e nānā hou 'ia e nā Lālā Komikina a nīnau akula ka Luna Ho'omalū Ka'anā'anā inā he mau ana'o kōkua ko kekahi no ka ho'oponopono 'ana i ia mo'olelo hālāwai nei. 'Oiai 'a'ohē mana'o i ho'opuka 'ia, noi 'o Ms. de Silva e 'āpono 'ia kēia mo'olelo hālāwai e like me ka mea i palapala 'ia - 'a'ohē loli. A 'āpono 'ia nō ka mo'olelo hālāwai ma o ke koho pāloka e ka Luna Ho'omalū Ka'anā'anā, Ms. de Silva, Ms. Lum, Ms. Wong-Kalu, a me Ms. Salā. 'A'ole i koho pāloka ke Kenekoa Keohokālole.

A 'āpono kūhelu 'ia.

NĀ KANĀWAI E 'IMI 'IA ANA

Hō'ike ka Luna Ho'omalū Ka'anā'anā i ka holomua 'ana o ka SB696 mai ka ka 'Aha'ōlelo aku a i ke Kia'āina David Ige no kona pūlima. He pila kēia e ho'olō'ihī ana i ka noho 'ana o ke Komikina a e 'āpono ana i ko nā lālā 'auamo kuleana ma waho o nā hālāwai kūmau o ke Komikina. Nui ko ka Luna Ho'omalū mana'o lana e pūlima ana ke Kia'āina i ia pila nei.

KŪKĀKŪKĀ NO KE KOHO I PO'O HO'OLAULE'A HO'OHANO HANO

Wahi a ka Luna Ho'omalū Ka'anā'anā, ua ho'okomo 'o ia i kēia kumuhana i ka papahana i ka hālāwai Komikina aku nei, me ka mana'o e komo lākou i ke kūkā no ke kūlana po'o. Eia na'e, 'a'ohē āna inoa e hō'ike aku. Ua ho'omaopopo pū 'o ia no ko Mr. Nainoa Thompson ho'onoho 'ia 'o ia ke po'o a laila hō'ole 'o ia ma ka ho'omaka 'ana o ka ho'olālā 'ana no ka Ho'olaule'a No'eau a Mo'omeheu Pākīpika 2020. I ko ka Luna Ho'omalū Ka'anā'anā mana'o e holomoana ana nō ka PVS ma ka wā o ka Ho'olaule'a i ka makahiki 2024 a no laila, e pa'ahana ana 'o Mr. Thompson me ia kuleana nei a 'o ia ke kumu no kona hiki 'ole ke ho'onoho 'ia 'o ia ke po'o.

Noi ka Luna Ho'omalū Ka'anā'anā i ko nā Lālā Komikina mana'o no ke po'o a nīnau akula 'o Mr Salā e ho'ākāka 'ia ke kuleana o ke po'o. Wehewehe ka Luna Ho'omalū Ka'anā'anā i ke

'ano ho'ohanohano o ko ke po'o mau kuleana a e kōkua pū 'o ia me ke noi kālā a paipai hou i ka po'e e hō'ea i ka Ho'olaule'a. No laila, he kūpono ko kēia kanaka kū i ka pono a me kona hō'ihī 'ia e ka lehulehu.

'O ka ma'amau, wahi a Ms. de Silva, he 'ōlelo ho'olauna ko ke po'o ma ka polokalamu a puke paha inā nō pa'i 'ia kekahi no ka Ho'olaule'a. Aloha aku 'o ia i ka po'e ma nā 'aha wehena a panina kekahi. E kono 'ia ana 'o ia i nā mea 'ano nui kekahi. Ma nā 'āina 'ē a'e, 'o ka wahine a ka Pelekikena a i 'ole ko ka 'āina alaka'i kai ho'onoho 'ia he po'o i kekahi manawa.

Wahi a Ms. Wong-Kalu, 'a'ohē kuleana kūhelu ko ke po'o, eia na'e, he kōkua kona 'ike 'ana i ke 'ano e launa ai me nā 'elele a alaka'i 'ē a'e a me kona kū 'elele ana no Hawai'i, ka hui 'elele, ka 'āina a me kona po'e. Hō'ike pū 'o Ms. Wong-Kalu i kona mana'o he kūpono ko ia po'o nei hiki ke 'ōlelo Hawai'i.

I loa nō a lohe ka Luna Ho'omalū Ka'anā'anā i ko Ms. Wong-Kalu mau mana'o, hāpai a'ela 'o ia i ko Kauka Kamana'opono Crabbe inoa, he moho kūpono.

Kāko'o 'o Ms. Lum i ko Ms. Wong-Kalu mau mana'o - he pono ko kēia kanaka e kū 'elele no kona po'e a 'auamo i kona mau kuleana ma ke 'ano he po'o. He kōkua inā hiki iā ia ke hāpai hou i ka Ho'olaule'a i luna.

Ho'omaopopo akula 'o Ms. de Silva i ka po'e no ke 'ano kūikawā o ko Hawai'i aupuni 'oiai ka'a kākou ma lalo o 'Amelika I Hui Pū 'Ia a ma muli o kēlā, he ko'iko'i ko lākou no'ono'o 'ana ma o ke kuana'ike Hawai'i iā lākou e no'ono'o ana i nā moho. Pono ko ia kanaka nei pilina i ke kaiāulu Hawai'i, he alaka'i i hō'ihī a kauka'i 'ia e kona po'e. Makemake pū 'o ia e hāpai 'ia nā inoa e ke Komikina i hiki ke kūkā a no'ono'o hou i kēia kūlana.

Makemake ka Luna Ho'omalū Ka'anā'anā e kāko'o 'ia ke Komikina e ia kanaka nei nona ke kūlana o ke po'o, keu ho'i ma ka 'ao'ao kāko'o kālā.

Hāpai a'ela 'o Ms. Salā iā Mr. Randy Fong lāua 'o Mr. Kamana'o Crabbe me ke kāko'o pū i nā mana'o i hāpai mua 'ia no ia kumuhana nei.

Paiapi ka Luna Ho'omalū Ka'anā'anā i nā Lālā Komikina e no'ono'o i nā inoa e hāpai ai no ia kūlana nei o ke po'o i hiki ke kūkā hou 'ia ma kekahi hālāwai.

HĀPAI A KOHO I HOPE LUNA HO'OMALU NO KE KŌMIKE

Pono e hiki i kekahi Hope Luna Ho'omalū ke pani hakahaka no ka Luna Ho'omalū Ka'anā'anā ma nā lā e hiki 'ole ai iā ia ke hō'ea i ka hālāwai Komikina. 'Oiai i ho'opa'a 'ia kēia kumuhana ma ka papahana hālāwai o kēia lā, makemake ka Luna Ho'omalū Ka'anā'anā i ka po'e i hō'ea 'ole e komo pū i kēia kūkā 'ana. No laila, makemake 'o ia e ho'opane'e i kēia kumuhana i kekahi hālāwai.

Kāko'o 'o Ms. Wong-Kalu i ka ho'opane'e 'ana aku i kēia kumuhana i hiki i nā Lālā Komikina 'ē a'e ke komo i ke kūkā no ia kumuhana nei e ho'oholo.

Kāko'o pū 'o Ms. Salā.

Hō'ike na'e ka Luna Ho'omalua Ka'anā'anā i ka hiki ke hāpai inoa me ke 'āpono kūhelu 'ole 'ia a hāpai 'o ia i ko Ms. Salā inoa no ka Hope Luna Ho'omalua 'oiai ua noho 'o ia ma kekahi kūlana 'ano like e ho'opuka mana'o e pili ana i ke Komikina a me kona holomua.

Wahi a Ms. Wong-Kalu he kōkua inā hana ka Hope Luna Ho'omalua ma kekahi kūlana hana i 'olu'olu kona ho'okō 'ana i nā kuleana e lawelawe ai.

A laila hō'ike 'o Ms. Wong-Kalu i kona hoihoi e noho ma ke 'ano he po'o inā 'a'ole makemake a i 'ole paha 'a'ole hiki i nā moho 'ē a'e. 'Oiai e 'ike ana 'o OHA i nā loli, ua ho'omaopopo 'o Ms. Wong-Kalu i kona hiki ke kauka'i 'ia ma ia 'ano kūlana.

Ho'ākāka hou ka Luna Ho'omalua Ka'anā'anā i ke 'ano o ia kūkā nei, 'a'ole hiki ke koho paloka kūhelu 'oiai 'a'ole i hō'ea nā Lālā Komikina a pau.

Noi 'o Ms. de Silva inā hoihoi 'o Ms. Salā e noho ma ke 'ano he Hope Luna Ho'omalua a 'ae akula 'o ia. Nīnau ka Luna Ho'omalua Ka'anā'anā inā ua hoihoi kekahi a i 'ole inā he mau mana'o hou aku ko kekahi no ia kūlana 'o ka Hope Luna Ho'omalua. 'Oiai 'a'ohe mea i ho'opuka 'ia, ua ho'oholomua 'o ia i ka papahana.

E komo hou ana lākou i kēia kumuhana 'o ka Hope Luna Ho'omalua ma kekahi hālāwai Komikina.

HŌ'IKE'IKE A KA STATE FOUNDATION ON CULTURE AND THE ARTS (SFCA) NO KE KĀKO'O O I KE KŌMIKE

Ho'oaluna ka Luna Ho'omalua Ka'anā'anā iā Mr. Jonathan Johnson no SFCA i hiki iā ia ke ha'i'ōlelo i ke Komikina.

Hō'ike 'o Mr. Johnson i kona kāko'o i ke Komikina. Hō'ike pū 'o ia i ka hiki iā HiSAM ke mālama i nā hanana no ka manuahi a inā hoihoi kekahi e mālama i kekahi hanana kūikawā, ua hiki nō kekahi. 'Okō'a wale nō ke 'ano e noi ai.

Hō'ike pū 'o ia i ko HiSAM hoihoi e hō'ike'ike i nā no'eau a paheona Pākīpika ma kekahi wahi hō'ike'ike o loko o ka hale hō'ike'ike. Ua hiki nō ke kūkulu 'ia kekahi kahua kekahi ma ka pā mau'u o mua inā pono. Loa'a pū kekahi lumi kuke kūhelu iā lākou ma ka papahale mua o ka hale i hiki ke ho'ohana 'ia kekahi.

'Oiai 'a'ole he hale nunui ka hale hō'ike'ike, ua hiki nō ke ho'olako i kekahi o ko ke Komikina mau pono. Ho'omaopopo pū 'o Mr. Johnson no ka hai 'ia o nā loea o ka 'ike no waho. Ke 'imi pū nei 'o ia i ke kāko'o kālā hou aku.

Hō'ike na'e 'o ia i ke Komikina i ka loa'a o SFCA i nā papahana mo'omeheu 'ōiwi a lākou e makemake ana e ho'okomo ma ke 'ano he kāko'o i ka Ho'olaule'a. Me ia mana'o, hoihoi 'o ia e hō'ike iā lākou i nā kahua kūpono o lākou a inā kūpono nō, na kekahi e maka'ala i nā lāli'i ma

ko lākou 'ao'ao. Makemake kona 'oihana e kāko'o i ka Ho'olaule'a a kōkua iā DBEDT ma ka ho'olālā 'ana.

Mahalo 'o Ms. Salā iā Mr. Johson no kona ha'i'ōlelo a hau'oli 'o ia i ko HiSAM hoihoi e kāko'o, keu ho'i ma ka 'ao'ao o ka mālama 'ana i nā hanana ma ko lākou hale hō'ike'ike. Pono wale nō e 'imi i ke kālā ma mua o ka makahiki 2025.

Mahalo pū 'o Ms. Wong-Kalu iā Mr. Johnson, keu ho'i no ko SFCA hoihoi e kōkua a kāko'o.

Makemake ka SFCA e mahalo pū i ka po'e e komo ana i ka papahana e mālama 'ia ana ma ka hale hō'ike'ike ma kekahi 'ano. I wahi lā'ana, inā hō'ea kekahi me ke kūlana ki'eki'e i kekahi o ia mau papahana nei, e wehe ka hale hō'ike'ike i kekahi wahi kūhelu no ko lākou noho 'olu'olu 'ana ma mua o ua papahana nei.

Nīnau 'o Ms. de Silva inā e ho'okomo 'ia ana 'o HiSAM ma ka ha'imaulia no nā wahi e mālama ai ka Ho'olaule'a. Hiki iā Mr. Johnson ke ho'opihapiha i ka palapala a palapala ho'i i ke 'ano i hiki ai ka SFCA ke kāko'o hou aku, e la'a ho'i me ka halihali kānaka, mea 'ai, apwa. Ho'omaopopo hou 'o Ms. de Silva i ka po'e no ke ko'iko'i o kēia 'oia i ka halihali kānaka ka mea e ho'olilo nui ai ke kālā no kēia Ho'olaule'a. Hō'ike 'o Mr. Johnson i ka makemake o SFCA e kāko'o me ka halihali kānaka no nā kānaka e lele mai ana mai nā mokupuni 'ē a'e kekahi.

Mahalo 'o Ms. Lum iā Mr. Johnson no kona ho'olauna a kāko'o. A e like me kāna ua kono 'o DBEDT i ko SFCA e noho ma ke 'ano he lalo kōmike e kōkua ma ka ho'okō 'ana aku i ko DBEDT kuleana no ka Ho'olaule'a, e like ho'i me ka mo'ohelu kālā a me ke noi kālā a kōkua. Hō'ike 'o Ms. Lum i ke 'ano e kōkua hou aku ai 'o Mr. Johnson a i 'ole paha kekahi o kāna limahana, 'o ia ho'i ka ho'omaopopo 'ana iā DBEDT no ka holomua o kēia mau mea āna i ho'opuka mua ai.

Nīnau ka Luna Ho'omalua Ka'anā'anā iā Mr. Johnson inā he mau 'ano i hiki ai iā ia a me kāna mau limahana ke kōkua me ko lākou 'ike no ke noi kālā aupuni. E hana like ana ka Luna Ho'omalua me SFCA. I pili ho'i i ka papahana, noi ka Luna Ho'omalua Ka'anā'anā iā Johnson e 'imi ka SFCA i nā no'eau i pili iā Hawai'i no ka Ho'olaule'a. Hō'oaia 'o Mr. Johnson i ka hiki iā SFCA ke hana pēlā.

Nīnau ka Luna Ho'omalua Ka'anā'anā e pili ana i ko SFCA 'ike a pilina paha me ka Smithsonian Institute. Hō'ike 'o Johnson no ko Ms. Lynn Martin Graton lāua 'o Mr. Kalewa Correa hana like 'ana me lākou. Mahao ka Luna Ho'omalua iā Ms. Martin Graton no ka hō'ea 'ana mai i nā hālāwai no ka Ho'olaule'a a no kona 'ano kōkua.

HŌ'IKE NO KA HO'OLAKO KĀLĀ ADMINISTRATION FOR NATIVE AMERICANS (ANA) NO KEKAHI MAU PAPAHAANA

Hō'ike ka Luna Ho'omalua Ka'anā'anā i kona hoihoi i ka 'imi 'ana i ke noi kālā ma lalo o ANA. a me kona mana'o e hele 'o Mr. McComber i nā hālāwai ho'ona'auao. Hō'ike ka Luna Ho'omalua Ka'anā'anā i ke kūkā 'ole 'ia o ke noi ho'olako kālā a no kona hoihoi e 'auamo i ke kuleana o ke noi a i 'ole paha ka ho'okuleana 'ana aku i ka po'e e noi kālā no ke Komikina. Makemake na'e

Mo'olelo Hālāwai o ke Kōmike no ka Ho'olaule'a No'eau A Mo'omeheu Pākīpika 13
Pō'akahi, 3 Mei, 2021 hola 2:30'aiu ma o ka ZOOM
'Ao'ao 6 o 7

'o ia e kūkā mua i ke noi ho'olako kālā ANA 'oiai ke hiki koke mai nei ka lā palena pau ma Iune.

Ho'olauna akula ka Luna Ho'omalū Ka'anā'anā iā Mr. McComber 'oiai 'o ia i komo i 'ekolu hālāwai ho'ona'auao e pili ana i ke noi kālā kākō'o 'ana.

Hō'ike 'o Mr. McComber no ka lā palena pau, 'o ia ho'i ka lā 30 o Iune, 2021. No nā pāhana a pau a kēia kālā nei e kākō'o ai, pono ko lākou ho'omaka 'ana ma ka lā 30 o Kepakemapa, 2021. E ho'ohanohano 'ia ana nā pāhana ma waena o Kepakemapa 13 a 30 a e ho'olako 'ia ana ke kālā no ho'okahi i ka 'ekolu makahiki. 'Elua 'ano ko ke kālā ANA, 'o SEDS kekahi a 'o P&M kekahi aku. Hiki ke noi ma nā 'ao'ao 'elua, a kau palena 'ia he ho'okahi noi pākahi.

E ho'ouna ana 'o Mr. McComber i ka 'ikepili i ka Luna Ho'omalū Ka'anā'anā.

Nīnau ka Luna Ho'omalū Ka'anā'anā iā Ms. Ahn e kōkua ma ka hō'oia i ka nui o ka 'ikepili e makemake ana lākou e ho'olaha aku ma ke noi, keu ho'i ma nā hālāwai kaiāulu. Paipai 'o Ms. Ahn i ka Luna Ho'omalū Ka'anā'anā e ho'oholo e like me kona mana'o he pono.

Ho'olaha ka Luna Ho'omalū Ka'anā'anā no kona noi e 'auamo i ke kuleana o ka hui 'elele noi kālā, ke noi kālā, a keu ho'i ka ho'olako kālā ANA ma kahi hālāwai.

KŪKĀKŪKĀ NO KE KĀMAU MO'OHĒLU HO'OLAULE'A

Noi ka Luna Ho'omalū Ka'anā'anā iā Ms. Sanders e ka'ana aku i ka palapala mo'ohelu kālā ma ka papakaumaka me ka mana'o e ho'oulu i ka mo'ohelu kālā ma ke 'ano hoihoi i ka po'e. 'O ka \$26 miliona ka huina pau loa o ka mo'ohelu kālā.

'Oiai 'a'ohe o lākou kālā ma ka makahiki 2021, ho'omaopopo ka Luna Ho'omalū Ka'anā'anā no ko lākou uku mua 'ana iā UHM no ka hale noho a me ka Hale Hālāwai 'o Hawai'i 'oiai 'o ka pololei, mālama 'ia ka Ho'olaule'a ma ka makahiki 2020 a ua mālama 'ia kēia kālā no ia kumu. Ua ho'ohana ka Luna Ho'omalū Ka'anā'anā i ka Puke Lawe Lima Ho'olaule'a no ka ho'okumu 'ana i ka mo'ohelu kālā.

Ho'omaopopo ka Luna Ho'omalū Ka'anā'anā no ka ho'opa'a 'ia ana paha o ke kālā ma nā māhele o ka mo'ohelu kālā no nā kumuhana e like me ka Pāpaho, Hōkōna a Mea Kākō'o. Makemake 'o ia e noi i ke kūkulu 'ana i kekahi papahana palapala ho'āpono no nā hui pāpaho, nā mea 'ano nui, apwa.

Hō'ike ka Luna Ho'omalū Ka'anā'anā no ke ka'aka'ahi 'ia ana o ka palapala mo'ohelu kālā i nā Lālā Komikina. Noi 'o ia i nā Lālā Komikina e ho'ouna i ko lākou mana'o i nā limahana, 'a'ole i ka po'e ma ka leka uila.

Nui ana nā māhele e 'unu'unu ai, wahi a ka Luna Ho'omalū Ka'anā'anā, e like ho'i me ka māhele palekana. Loa'a nō ka māhele palekana ma ke Kulani 'o Hawai'i ma Mānoa, eia na'e, e komo pū ana nō paha ka HPD. No laila, nīnau 'o ia i nā ua 'oi aku ka maika'i o ka waiho 'ana i nā māhele e like me kēia ma ke 'ano he māhele ho'okahi a i 'ole paha ma ke 'ano he ikamu ho'olilo ho'i ma lalo o nā māhele a pau e pono ai.

Mo'olelo Hālāwai o ke Kōmike no ka Ho'olaule'a No'eau A Mo'omeheu Pākīpika 13
Pō'akahi, 3 Mei, 2021 hola 2:30'aiu ma o ka ZOOM
'Ao'ao 7 o 7

I ko Ms. Salā mana'o, kūpono ka ho'opa'a 'ana i ka māhele palekana i kēlā me kēia wahi kahi a lākou e mālama ana i ka hanana.

Hāpai a'ela 'o Ms. Lum i ka mana'o e kūkulu i ka mo'ohelu kālā ma o ka nānā 'ana i nā hanana a laila ho'omākaukau pono i nā lōina no kēlā me kēia 'ano ho'olilo 'ana. Ko'iko'i pū ka ho'okumu 'ana i kekahi 'ōnaehana e hō'ike ai ka huina kālā no kēlā me kēia māhele a ho'olilo 'ana.

Ho'omaopopo 'o Ms. de Silva i nā Lālā Komikina no ka ho'opa'a 'ia o ka \$25 miliona, 'o ia ka huina nui o ka mo'ohelu kālā i ho'opa'a 'ia. Mahalo 'o ia i ka Luna Ho'omalū no ka ho'oponopono 'ana i ka mo'ohelu kālā a hō'ike ka Luna Ho'omalū no ko Ms. Lum kōkua 'ana.

KŪKĀKŪKĀ NO KA HOLOMUA O NĀ LALO KŌMIKE ME NĀ PALAPALA KAHUA HO'OLAULE'A

Hō'ike ka Luna Ho'omalū Ka'anā'anā no ka lilo o kēia he kumuhana kūmau ma nā hālāwai e hiki mai ana. Ho'omaopopo pū ka Luna Ho'omalū i nā Lālā Komikina e hō'ike i ke Komikina no kā lākou i kūkā ai ma nā hālāwai lalo komike.

'ŌLELO HO'IKE A KA LEHULEHU

Wehe ka Luna Ho'omalū Ka'anā'nā i ka hālāwai i ka lehulehu e hāpai mana'o. 'Oiai 'a'ohe mea i ho'opuka 'ia, ho'omau 'o ia i ka papa manawa. Hāpai 'o ia i ka mana'o e ho'okomo 'ia nā Ho'olaha ma ka papa manawa o kēlā me kēia hālāwai Komikina mai kēia mua aku.

HA HO'OPA'A HĀLĀWAI – PŌ'AKAHI, 17 MEI 2021


Ho'opa'a ka Luna Ho'omalū Ka'anā'anā i kahi hālāwai ma ka lā 17 o Mei, 2021 ma ka hola 2:30'aiu.

Ho'olaha - 'O Ka Huina kā NaHHA hālāwai kūmakahiki a e mālama 'ia ana ma o ka pūnaewele ma Mei a Iune. Kono 'ia ke kaiāulu e komo i nā papahana ma o ke kele 'ana aku iā www.nahha.com/kahuina. Ma laila nō e loa'a ai ka 'ikepili hou aku.

HO'OKU'U

Ho'oku'u 'o Luna Ho'omalū Ka'anā'anā i ka hālāwai ma ka hola 3:43'aiu.

Me ke aloha e waiho 'ia nei,



Kalani Ka'anā'anā
Luna Ho'omalū

Lā

05/13/21